

学校的理想装备

电子图书·学校专集

校园网上的最佳资源

诗经 (一)

 **eBOOK**
内网资料 非卖品

前 言

上下五千年，纵横两万里。中华民族的传统文化源远流长，伟大祖国的古典文学博大精深。从《诗经》《楚辞》到唐诗宋词元曲以至明清的白话小说；从“水浒”“西游”以至“三国”“红楼”，无不闪耀着中国古代文学的灿烂光辉！

“试拂三闾文字，还与日争光”。中国古典文学之不朽，不仅在于其登峰造极的文学成就，还在于其极其深刻的思想蕴涵和振聋发聩的社会影响。

“文以载物，歌以咏志”，正其谓也。畅游争奇斗妍的祖国古典文学宝库，你不仅能获得崇高的文学美的陶冶，更能感悟到许许多多的人生内涵——从人生五味到社会百态；从百姓疾苦到王朝兴衰；从统治阶级的醉生梦死到仁人志士的慷慨悲歌；从文人雅士的悠然豁达到英雄人物的“仰天长啸”；从“三纲五常”的封建礼教到对爱情婚姻的美好向往和热情讴歌……这些都将使你流连忘返，获益非浅。

为了提高中小学生和青少年朋友的古典文学修养，使其对祖国古典文学的伟大成就有一个比较系统的、直观的和真实的感知；为了继承和发扬中国古代文学的精华，我们组织编选了这套《中小学生古典文学修养文库》。全书分诗、词、赋、曲、文和小说等几大类，按断代顺序成50册；每册内容按每位作者的生卒年顺序排列。

鉴于目前古典文学选本的译文、引注之繁杂，对于一般读者并不一定有什么实际意义。为此本书全部采用清本形式，不加任何引注和译文；对于原版有遗漏、错误和争议的地方，择其善者而从之，不再加以引证和说明。对于中小学语文课本已有的内容，一般不再选用。

在编选过程中，我们参考了一些新近的有关选本，在此谨致谢意。由于时间仓促，有些问题我们不可能去做很详尽的考据和论证；加上编者水平有限，缺点错误在所难免。敬请同仁和广大读者批评指正。

编者

1995年10月

诗经（一）

风

风·周南

关 雎

关关雎鸠，在河之洲。窈窕淑女，君子好逑。
参差荇菜，左右流之。窈窕淑女，寤寐求之。
求之不得，寤寐思服。悠哉悠哉，辗转反侧。
参差荇菜，左右采之。窈窕淑女，琴瑟友之。
参差荇菜，左右芼之。窈窕淑女，钟鼓乐之。

葛 覃

葛之覃兮，施于中谷，维叶萋萋。黄鸟于飞，集于灌木，其鸣喈喈。
葛之覃兮，施于中谷，维叶莫莫。是刈是濩，为絺为绤，服之无 。

言告师氏，言告言归：“薄污我私，薄浣我衣。害浣害否？归宁父母。”

卷 耳

采采卷耳，不盈顷筐。嗟我怀人，寘彼周行。
陟彼崔嵬，我马虺隤。我姑酌彼金罍，维以不永怀。
陟彼高冈，我马玄黄。我姑酌彼兕觥，维以不永伤。
陟彼砠矣，我马瘠矣，我仆痡矣，云何吁矣！

樛 木

南有樛木，葛藟纍之。乐只君子，福履绥之。
南有樛木，葛藟荒之。乐只君之，福履将之。
南有樛木，葛藟萦之。乐只君子，福履成之。

螽 斯

螽斯羽，诜诜兮。宜尔子孙，振振兮。
螽斯羽，薨薨兮。宜尔子孙，绳绳兮。
螽斯羽，揖揖兮。宜尔子孙，蛰蛰兮。

桃 夭

桃之夭夭，灼灼其华。之子于归，宜其室家。
桃之夭夭，有蕢其实。之子于归，宜其家室。
桃之夭夭，其叶蓁蓁。之子于归，宜其家人。

兔 置

肃肃兔置，椽之丁丁。赳赳武夫，公侯干城。
肃肃兔置，施于中逵。赳赳武夫，公侯好仇。
肃肃兔置，施于中林。赳赳武夫，公侯腹心。

芣 苢

采采芣苢，薄言采之。采采芣苢，薄言有之。
采采芣苢，薄言掇之。采采芣苢，薄言捋之。
采采芣苢，薄言 之。采采芣苢，薄言襍之。

汉 广

南有乔木，不可休思。汉有游女，不可求思。汉之广矣，不可泳思。江之永矣，不可方思。

翘翘错薪，言刈其楚。之子于归，言秣其马。汉之广矣，不可泳思。江之永矣，不可方思。

翘翘错薪，言刈其蒺。之子于归，言秣其驹。汉之广矣，不可泳思。江之永矣，不可方思。

汝 坟

遵彼汝坟，伐其条枚。未见君子，惄如调饥。
遵彼汝坟，伐其条肄。既见君子，不我遐弃。

鲂鱼赀尾，王室如燬。虽则如燬，父母孔迩。

麟之趾

麟之趾，振振公子。于嗟麟兮！
麟之定，振振公姓。于嗟麟兮！
麟之角，振振公族。于嗟麟兮！

风·召南

鹊巢

维鹊有巢，维鸠居之。之子于归，百两御之。
维鹊有巢，维鸠方之。之子于归，百两将之。
维鹊有巢，维鸠盈之。之子于归，百两成之。

采芣

于以采芣？于沼于沚。于以用之？公侯之事。
于以采芣？于涧之中。于以用之？公侯之宫。
被之僮僮，夙夜在公。被之祁祁，薄言还归。

草虫

嘒嘒草虫，趯趯阜螽。未见君子，忧心忡忡。亦既见止，亦既覯止，我心则降。

陟彼南山，言采其蕨。未见君子，忧心惓惓。亦既见止，亦既覯止，我心则说。

陟彼南山，言采其薇。未见君子，我心伤悲。亦既见止，亦既覯止，我心则夷。

采芣

于以采蘋？南涧之滨。于以采藻？于彼行潦。
于以盛之？维筐及筥。于以湘之？维箝及釜。
于以奠之？宗室牖下。谁其尸之？有齐季女。

甘棠

蔽芾甘棠，勿剪勿伐，召伯所茇。
蔽芾甘棠，勿剪勿败，召伯所憩。
蔽芾甘棠，勿剪勿拜，召伯所说。

行露

厌浥行露，岂不夙夜？谓行多露。

谁谓雀无角？何以穿我屋？谁谓女无家？何以速我狱？虽速我狱，室家不足。

谁谓鼠无牙？何以穿我墉？谁谓女无家？何以速我讼？虽速我讼，亦不女从。

羔羊

羔羊之皮，素丝五紵。退食自公，委蛇委蛇。
羔羊之革，素丝五紵。委蛇委蛇，自公退食。
羔羊之缝，素丝五总。委蛇委蛇，退食自公。

殷其雷

殷其雷，在南山之阳。何斯违斯？莫敢或遑。振振君之，归哉归哉！
殷其雷，在南山之侧。何斯违斯？莫敢遑息。振振君子，归哉归哉！
殷其雷，在南山之下。何斯违斯？莫或遑处。振振君子，归哉归哉！

標有梅

標有梅，其实七兮。求我庶士，迨其吉兮。
標有梅，其实三兮。求我庶士，迨其今兮。
標有梅，顷筐暨之。求我庶士，迨其谓之！

小 星

嘒彼小星，三五在东。肃肃宵征，夙夜在公。寔命不同！
嘒彼小星，维参与昴。肃肃宵征，抱衾与裯。寔命不犹！

江有汜

江有汜。之子归，不我以。不我以，其后也悔。
江有渚。之子归，不我与。不我与，其后也处。
江有沱。之子归，不我过。不我过，其啸也歌！

野有死

野有死 ，白茅包之。有女怀春，吉士诱之。
林有樛櫨，野有死鹿。白茅纯束，有女如玉。
舒而脱脱兮，无感我 兮，无使龙也吠。

何彼 矣

何彼 矣？唐棣之华。曷不肃雝？王姬之车。
何彼 矣？华如桃花。平王之孙，齐侯之子。
其钓维何？维丝伊缁。齐侯之子，平王之孙。

驹 虞

彼茁者葭，壹发五豝。于嗟乎驹虞！
彼茁者蓬，壹发五豝。于嗟乎驹虞！

风·邶风

柏舟

泛彼柏舟，亦泛其流。耿耿不寐，如有隐忧。微我无酒，以敖以游。
我心匪鉴，不可以茹。亦有兄弟，不可以据。薄言往愬，逢彼之怒。
我心匪石，不可转也。我心匪席，不可卷也。威仪棣棣，不可选也。
忧心悄悄，愠于群小。黷乱既多，受侮不少。静言思之，寤辟有摽！
日居月诸，胡迭而微？心之忧矣，如匪浣衣。静高思之，不能奋飞。

绿衣

绿兮衣兮，绿衣黄里。心之忧矣，曷维其已！
绿兮衣兮，绿衣黄裳。心之忧矣，曷维其亡！
绿兮丝兮，女所治兮。我思古人，俾无訖兮。
絺兮绤兮，凄其以风。我思古人，实获我心。

燕燕

燕燕于飞，差池其羽。之子于归，远送于野。瞻望弗及，泣涕如雨。
燕燕于飞，颉之颃之。之子于归，远于将之。瞻望弗及，伫立以泣。
燕燕于飞，下上其音。之子于归，远送于南。瞻望弗及，实劳我心。
仲氏任只，其心塞渊。终温且惠，淑慎其身。先君之思，以勖寡人。

日月

日居月诸，照临下土。乃如之人兮，逝不古处。胡能有定？宁不我顾。
日居月诸，下土是冒。乃如之人兮，逝不相好。胡能有定？宁不我报。
日居月诸，出自东方。乃如之人兮，德音无良。胡能有定？俾也可忘。
日居月诸，东方自出。父兮母兮，畜我不卒。胡能有定？报我不述。

终风

终风且暴，顾我则笑。谑浪笑敖，中心是悼。
终风且霾，惠然肯来。莫往莫来，悠悠我思。
终风且曀，不日有曀。寤言不寐，愿言则嚏。
嚏嚏其阴，虺虺其雷。寤言不寐，愿言则怀。

击鼓

击鼓其镗，踊跃用兵。土国城漕，我独南行。
从孙子仲，平陈与宋。不我以归，忧心有忡。
爰居契处，爰丧其马。于以求之？于林之下。
死生契阔，与子成说。执子之手，与子偕老。

于嗟阔兮，不我活兮！于嗟洵兮，不我信兮！

凯 风

凯风自南，吹彼棘心。棘心夭夭，母氏劬劳。
凯风自南，吹彼棘薪。母氏圣善，我无令人。
爰有寒泉，在浚之下。有子七人，母氏劳苦。
睠黄鸟，载好其音。有子七人，莫慰母心。

雄 雉

雄雉于飞，泄泄其羽。我之怀矣，自诒伊阻。
雄雉于飞，下上其音。展矣君子，实劳我心。

瞻彼日月，悠悠无思。道之云远，易云能来？
百尔君子，不知德行。不伎不求，何用不臧？

匏有苦叶

匏有苦叶，济有深涉。深则厉，浅则揭。
有 济盈，有鷺雉鸣。济盈不濡轨，雉鸣求其牡。
雝雝鸣雁，旭日始旦。士如归妻，迨冰未泮。
招招舟子，人涉卬否。人涉卬否，须我友。

谷 风

习习谷风，以阴以雨。黽勉同心，不宜有怒。采葑采菲，无以下体。德音莫违，及尔同死。

行道迟迟，中心有违。不远伊迩，薄送我畿。谁谓荼苦？其甘如荠。宴尔新昏，如兄如弟。

泾以渭浊，湜湜其止。宴尔新昏，不我屑以。毋逝我梁，毋发我梁。我躬不阅，遑恤我后。

就其深矣，方之舟之。就其浅矣，泳之游之。何有何亡？黽勉求之。凡民有丧，匍匐救之。

不我能恧，反以我为雠。既阻我德，贾用不售。昔育恐育鞠，及尔颠覆。既生既育，比予于毒。

我有旨蓄，亦以御冬。宴尔新昏，以我御穷。有洸有溃，既诒我肄。不念昔者，伊余来暨。

式 微

式微式微，胡不归？微君之躬，胡为乎泥中？
式微式微，胡不归？微君之躬，胡为乎泥中？

旄 丘

旄丘之葛兮，何诞之节兮？叔兮伯兮，何多日也！
何其处也？必有与也。何其久也？必有以也。
狐裘蒙戎，匪车不东。叔兮伯兮，靡所与同。
琐兮尾兮，流离之子。叔兮伯兮，如充耳。

简 兮

简兮简兮，方将万舞。日之方中，在前上处。硕人俣俣，公庭万舞。
有力如虎，执辔如组。左手执籥，左手秉翟。赫如渥赭，公言“锡爵”。
山有榛，隰有苓。云谁之思？西方美人。彼美人兮，西方之人兮！

泉 水

毖彼泉水，亦流于淇。有怀于卫，靡日不思。爰彼诸姬，聊与之谋。
山宿于 ，饮饯于祢。女子有行，远父母兄弟。问我请姑，遂及伯姊。
出宿于干，饮饯于言。载脂载辖，还车言迈。遄臻于卫，不瑕有害。
我思肥泉，兹之永叹。思须与漕，我心悠悠。驾言出游，以写我忧。

北 门

出自北门，忧心殷殷。终窶且贫，莫知我艰。已焉哉！天实为之，谓之何哉！

王事适我，政事一埤益我。我入自外，室人交遍谪我。已焉哉！天实为之，谓之何哉！

王事敦我，政事一埤遗我。我入自外，室人交遍推我。已焉哉！天实为之，谓之何哉！

北 风

北风其凉，雨雪其雱。惠而好我，携手同行。其虚其邪，既亟只且！
北风其喑，雨雪其霏。惠而好我，携手同归。其虚其邪，既亟只且！
莫赤匪狐，莫黑匪乌。惠而好我，携手同车。其虚其邪，既亟只且！

静 女

静女其姝，俟我于城隅。爱而不见，搔首踟蹰。
静女其娈，贻我彤管。彤管有炜，说怿女美。
自牧归荇，洵美且异。匪女之为美，美人之贻。

新 台

新台有泚，河水泚泚。燕婉之求，籩篚不鲜。
新台有洒，河水浼浼。燕婉之求，籩篚不殄。
鱼网之设，鸿则离之。燕婉之求，得此戚施。

二子乘舟

二子乘舟，泛泛其景。愿言思子，中心养养。
二子乘舟，泛泛其逝。愿言思子，不瑕有害？

风·风

柏舟

泛彼柏舟，在彼中河。髡彼两髦，实维我仪。之死矢靡它！母也天只，天谅人只！

泛彼柏舟，在彼河侧。髡彼两髦，实维我特。之死矢靡慝！母也天只，不谅人只！

墙有茨

墙有茨，不可扫也。中之言，不可道也。所可道也，言之丑也！
墙有茨，不可襄也。中之言，不可详也。所可详也，言之长也！
墙有茨，不可束也。中之言，不可读也。所可读也，言之辱也！

君子偕老

君子偕老，副笄六珈，委佗委佗，如山如河；象服是宜。子之不淑，云如之何？

玼兮玼兮，其之翟也。鬢发如云，不屑髡也。玉之填也，象之揅也。扬且之皙也。胡然而天也，胡然而帝也！

嗟兮嗟兮，其之展也。蒙彼绉絺，是继袺也。子之清扬，扬且之颜也。展如之人兮，邦之媛也！

桑中

爰采唐矣，沫之乡矣。云谁之思？美孟姜矣。期我乎桑中，要我乎上宫，送我乎淇之上矣。

爰采麦矣，沫之北矣。云谁之思？美孟弋矣。期我乎桑中，要我乎上宫，送我乎淇之上矣。

爰采葑矣，沫之东矣。云谁之思？美孟庸矣。期我乎桑中，要我乎上宫，送我乎淇之上矣。

鹁之奔奔

鹁之奔奔，鹊之彊彊。人之无良，我以为兄。
鹊之彊彊，鹁之奔奔。人之无良，我以为君。

定之方中

定之方中，作于楚宫。揆之以日，作于楚室。树之榛、栗、椅、桐、梓、漆，爰伐琴瑟。

升彼虚矣，以望楚矣。望楚与堂，景山与京；降观于桑。卜云其吉，终焉允臧。

灵雨既零，命彼信人：星言夙驾，说于桑田。匪直也人，秉心塞渊。牝三千。

蠨

蠨 在东，莫之敢指。女子有行，远父母兄弟。
朝 于西，崇朝其雨。女子有行，远兄弟父母。
乃如之人也，怀昏姻也，大无信也，不知命也！

相 鼠

相鼠有皮，人而无仪；人而无仪，不死何为？
相鼠有齿，人而无止；人而无止，不死何俟？
相鼠有体，人而无礼；人而无礼，胡不遄死！

干 旄

子子干旄，在浚之郊。素丝纆之，良马四之。彼姝者子，何以畀之？
子子干旒，在浚之都。素丝组之，良马五之。彼姝者子，何以予之？
子子干旌，在浚之城。素丝祝之，良马六之。彼姝者子，何以告之？

载 驰

载驰载驱，归唁卫侯。驱马悠悠，言至于漕。大夫跋涉，我心则忧。

既不我嘉，不能旋反。视尔不臧，我思不远。既不我嘉，不能旋济。视尔不臧，我思不闕。

陟彼阿丘，言采其蠹。女子善怀，亦各有行。许人諗之，众稚且狂。

我行其野，芄芃其麦。控于大邦，谁因谁极？大夫君子，无我有尤。百尔所思，不如我所之！

风·卫风

淇 奥

瞻彼淇奥，绿竹猗猗。有匪君子，如切如磋，如琢如磨。瑟兮僖兮，赫兮咺兮！有匪君子，终不可谖兮。

瞻彼淇奥，绿竹青青。有匪君子，充耳琇莹，会弁如星。瑟兮僖兮，赫兮咺兮！有匪君子，终不可谖兮。

瞻彼淇奥，绿竹如簧。有匪君子，如金如锡，如圭如璧。宽兮绰兮，猗重较兮。善戏谑兮，不为虐兮。

考 槃

考槃在涧，硕人之宽。独寐寤言，永矢弗谖。

考槃在阿，硕人之 。独寐寤歌，永矢弗过。

考槃在陆，硕人之轴。独寐寤宿，永矢弗告。

硕 人

硕人其颀，衣锦褰衣。齐侯之子，卫侯之妻；东宫之妹，邢侯之姨，谭公维私。

手如柔荑，肤如凝脂；领如蝤蛴，齿如瓠犀，螭首蛾眉。巧笑倩兮，美目盼兮！

硕人敖敖，说于农郊。四牡有骄，朱幘镗镗，翟茀以朝。大夫夙退，无使君劳。

河水洋洋，北流活活。施罟 ， 鱮鲋发发。葭茨揭揭，庶姜孽孽，庶士有揭。

氓

氓之 ，抱布贸丝。匪来贸丝，来即我谋。送子涉淇，至于顿丘。匪我愆期，子无良媒。将子无怒，秋以为期。

乘彼坳垣，以望复关。不见复关，泣涕涟涟。既见复关，载笑载言。尔卜尔筮，体无咎言。以尔车来，以我贿迁。

桑之未落，其叶沃若。于嗟鸠兮，无食桑葚。于嗟女兮，无与士耽。士之耽兮，犹可说也。女之耽兮，不可说也！

桑之落矣，其黄而陨。自我徂尔，三岁食贫。淇水汤汤，渐车帷裳。女也不爽，士贰其行。士也罔极，二三其德。

三岁为妇，靡室劳矣。夙兴夜寐，靡有朝矣。言既遂矣，至于暴矣。兄弟不知，咥其实矣。静言思之，躬自悼矣！

“及尔偕老”，老使我怨。淇则有岸，隰则有泮。总角之宴，言笑晏晏。信誓旦旦，不思其反。反是不思，亦已焉哉！

竹 竿

籊籊竹竿，以钓于淇，岂不尔思？远莫致之。
泉源在左，淇水在右。女子有行，远兄弟父母。
淇水在右，泉源在左。巧笑之瑳，佩玉之傒。
淇水泙泙，桼楫松舟。驾言出游，以写我忧。

芣 兰

芣兰之支，童子佩觿。虽则佩觿，能不我知。容兮遂兮，垂带悸兮！
芣兰之叶，童子佩 ，虽则佩 ，能不我甲。容兮遂兮，垂带悸兮！

河 广

谁谓河广？一苇杭之。谁谓宋远？跂予望之。
谁谓河广？曾不容刀。谁谓宋远？曾不崇朝。

伯 兮

伯兮朅兮，邦之桀兮！伯也执殳，为王前驱。
自伯之东，首如飞蓬。岂无膏沐？谁适为容？
其雨其雨，杲杲出日。愿言思伯，甘心首疾。
焉得谖草？言树之背。愿言思伯，使我心痠。

有 狐

有狐绥绥，在彼淇梁。心之忧矣，之子无裳。
有狐绥绥，在彼淇厉。心之忧矣，之子无带。
有狐绥绥，在彼淇侧。心之忧矣，之子无服。

木 瓜

投我以木瓜，报之以琼琚。匪报也，永以为好也！
投我以木桃，报之以琼瑶。匪报也，永以为好也！
投我以木李，报之以琼玖。匪报也，永以为好也！

风·王风

黍离

彼黍离离，彼稷之苗。行迈靡靡，中心摇摇。知我者，谓我心忧；不知我者，谓我何求。悠悠苍天，此何人哉！

彼黍离离，彼稷之穗。行迈靡靡，中心如醉。知我者，谓我心忧；不知我者，谓我何求。悠悠苍天，此何人哉！

彼黍离离，彼稷之实。行迈靡靡，中心如噎。知我者，谓我心忧；不知我者，谓我何求。悠悠苍天，此何人哉！

君子于役

君子于役，不知其期。易其至哉？鸡栖于埘。日之夕矣，羊牛下来。君子于役，如之何勿思？

君子于役，不日不月。易其有诒？鸡栖于桀。日之夕矣，羊牛下括。君子于役，苟无饥渴？

君子阳阳

君子阳阳，左执簧，右招我由房。其乐只且！
君子陶陶，左执 ，右招我由敖。其乐只且！

扬之水

扬之水，不流束薪。彼其之子，不与我戍申。怀哉怀哉！曷月予还归哉？
扬之水，不流束楚。彼其之子，不与我戍甫。怀哉怀哉！曷月予还归哉？
扬之水，不流束蒲。彼其之子，不与我戍许。怀哉怀哉！曷月予还归哉？

中谷有蓷

中谷有蓷，暵其乾矣。有女仳离，嘅其叹矣。嘅其叹矣，遇人之艰难矣！
中谷有蓷，暵其脩矣。有女仳离，条其呶矣。条其 矣，遇人之不淑矣！
中谷有蓷，暵其湿矣。有女仳离，啜其泣矣。啜其泣矣，何嗟及矣！

兔爰

有兔爰爰，雉离于罗。我生之初，尚无为；我生之后，逢此百罹。尚寐无吽！

有兔爰爰，雉离于罟。我生之初，尚无造；我生之后，逢此百忧。尚寐无觉！

有兔爰爰，雉离于罝。我生之初，尚无庸；我生之后，逢此百凶。尚寐无聪！

葛 藟

绵绵葛藟，在河之浒。终远兄弟，谓他人父。谓他人父，亦莫我顾。
绵绵葛藟，在河之涘。终远兄弟，谓他人母。谓他人母，亦莫我有。
绵绵葛藟，在河之漚。终远兄弟，谓他人昆。谓他人昆，亦莫我闻。

采 葛

彼采葛兮。一日不见，如三月兮。
彼采萧兮。一日不见，如三秋兮。
彼采艾兮。一日不见，如三岁兮！

大 车

大车槛槛，毳衣如茨。岂不尔思？畏子不敢。
大车哼哼，毳衣如璫。岂不尔思？畏子不奔。
穀则异室，死则同穴。谓予不信，有如皦日！

丘中有麻

丘中有麻，彼留子嗟。彼留子嗟，将其来施。
丘中有麦，彼留子国。彼留子国，将其来食。
丘中有李，彼留之子。彼留之子，贻我佩玖。

风·郑风

缁衣

缁衣之宜兮；敝，予又改为兮。适子之馆兮；还，予授子之粲兮。
缁衣之好兮；敝，予又改造兮。适子之馆兮；还，予授子之粲兮。
缁衣之席兮；敝，予又改作兮。适子之馆兮；还，予授子之粲兮。

将仲子

将仲子兮，无逾我里，无折我树杞。岂敢爱之？畏我父母。仲可怀也，父母之言亦可畏也。

将仲子兮，无逾我墙，无折我树桑。岂敢爱之？畏我诸兄。仲可怀也，诸兄之言亦可畏也。

将仲子兮，无逾我园，无折我树檀。岂敢爱之？畏人之多言。仲可怀也，人之多言亦可畏也。

叔于田

叔于田，巷无居人。岂无居人？不如叔也，洵美且仁。
叔于狩，巷无饮酒。岂无饮酒？不如叔也，洵美且好。
叔适野，巷无服马。岂无服马？不如叔也，洵美且武。

大叔于田

叔于田，乘乘马。执轡如组，两骖如舞。叔在藪，火烈具举。襜褕暴虎，献于公所。“将叔无狃，戒其伤女！”

叔于田，乘乘黄。两服上襄，两骖雁行。叔在藪，火烈具扬。叔善射忌，又良御忌，抑磬控忌，抑纵送忌。

叔于田，乘乘鸞。两服齐首，两骖如手。叔在藪，火烈具阜。叔马慢忌，叔发罕忌，抑释搆忌，抑弓忌。

清人

清人在彭，驷介旁旁。二矛重英，河上乎翱翔。
清人在消，驷介麋麋。二矛重乔，河上乎逍遥。
清人在轴，驷介陶陶。左旋右抽，中军作好。

羔裘

羔裘如濡，洵直且侯。彼其之子，舍命不渝。
羔裘豹饰，孔武有力。彼其之子，邦之司直。
羔裘晏兮，三英粲兮！彼其之子，邦之彦兮！

遵大路

遵大路兮，掺执子之祛兮。无我恶兮，不寤故也！
遵大路兮，掺执子之手兮。无我 兮，不寤好兮！

女曰鸡鸣

女曰：“鸡鸣。”士曰：“昧旦。”“子兴视夜。”“明星有烂。将翱将翔，弋鳧与雁。”

“弋言加之，与子宜之。宜言饮酒，与子偕老。琴瑟在御，莫不静好。”

“知子之来之，杂佩以赠之。知子之顺之，杂佩以问之。知子之好之，杂佩以报之。”

有女同车

有女同车，颜如舜华。将翱将翔，佩玉琼琚。彼美孟姜，洵美且都。
有女同行，颜如舜英。将翱将翔，佩玉将将。彼美孟姜，德音不忘。

山有扶苏

山有扶苏，隰有荷华。不见子都，乃见狂且。

山有乔松，隰有游龙。不见子充，乃见狡童。

蓍 兮

蓍兮蓍兮，风其吹女。叔兮伯兮，倡予和女。
蓍兮蓍兮，风其漂女。叔兮伯兮，倡予要女。

狡 童

彼狡童兮，不与我言兮。维子之故，使我不能餐兮。
彼狡童兮，不与我食兮。维子之故，使我不能息兮。

褰 裳

子惠思我，褰裳涉溱。子不我思，岂无他人？狂童之狂也且！
子惠思我，褰裳涉洧。子不我思，岂无他士？狂童之狂也且！

丰

子之丰兮，俟我乎巷兮。悔予不送兮！
子之昌兮，俟我乎堂兮。悔予不将兮！
衣锦褰衣，裳锦褰裳。叔兮伯兮，驾予与行。

裳锦褰裳，衣锦褰衣。叔兮伯兮，驾予与归。

东门之

东门之 ，茹 在阪。其室则迩，其人甚远。
东门之栗，有践家室。岂不尔思？子不我即。

风 雨

风雨凄凄，鸡鸣喈喈。既见君子，云胡不夷？
风雨潇潇，鸡鸣胶胶。既见君子，云胡不瘳？
风雨如晦，鸡鸣不已。既见君子，云胡不喜？

子 衿

青青子衿，悠悠我心。纵我不往，子宁不嗣音？
青青子佩，悠悠我思。纵我不往，子宁不来？
挑兮达兮，在城阙兮。一日不见，如三月兮！

扬之水

扬之水，不流束楚。终鲜兄弟，维予与女。无信人之言，人实廷女。
扬之水，不流束薪。终鲜兄弟，维予二人。无信人之言，人实不信。

出其东门

出其东门，有女如云。虽则如云，匪我思存。缟衣綦巾，聊乐我员。
出其闾閻，有女如荼。虽则如荼，匪我思且。缟衣茹 ，聊可与娱。

野有蔓草

野有蔓草，零露 兮。有美一人，清扬婉兮。邂逅相遇，适我愿兮。
野有蔓草，零露 霏霏。有美一人，婉如清扬。邂逅相遇，与子皆臧。

溱 洧

溱与洧，方涣涣兮。士与女，方秉藁兮。女曰：“观乎？”士曰：“既且。”“且往观乎洧之外，洵訏且乐！”维士与女，伊其相谑，赠之以勺药。
溱与洧，浏其清矣。士与女，殷其盈矣。女曰：“观乎？”士曰：“既且。”“且往观乎洧之外，洵訏且乐！”维士与女，伊其将谑，赠之以勺药。

风·齐风

鸡 鸣

“鸡既鸣矣，朝既盈矣。”“匪鸡则鸣，苍蝇之声。”
“东方明矣，朝既昌矣。”“匪东方则明，月出之光。”
“虫飞薨薨，甘与子同梦。会且归矣，无庶予于憎！”

还

子之还兮，遭我乎狃之间兮。并驱从两肩兮，揖我谓我儇兮。
子之茂兮，遭我乎狃之道兮。并驱从两牡兮，揖我谓我好兮。
子之昌兮，遭我乎狃之阳兮。并驱从两狼兮，揖我谓我臧兮。

著

俟我于著乎而。充耳以素乎而，尚之以琼华乎而。
俟我于庭乎而。充耳以青乎而，尚之以琼莹乎而。
俟我于堂乎而。充耳以黄乎而，尚之以琼英乎而。

东方之日

东方之日兮。彼姝者子，在我室兮。在我室兮，履我即兮。
东方之月兮。彼姝者子，在我闼兮。在我闼兮，履我发兮。

东方未明

东方未明，颠倒衣裳。颠之倒之，自公召之。
东方未晞，颠倒裳衣。倒之颠之，自公令之。

折柳樊圃，狂夫瞿瞿。不能辰夜，不夙则莫。

南 山

南山崔崔，雄狐绥绥。鲁道有荡，齐子由归。既曰归止，曷又怀止。
葛屨五两，冠綌双止。鲁道有荡，齐子庸止。既曰庸止，曷又从止？
蓺麻如之何？衡从其亩。取妻如之何？必告父母。既曰告止，曷又鞠止。
析薪如之何？匪斧不克。取妻如之何？匪媒不得。既曰得止，曷又极止！

甫 田

无田甫田，维莠骄骄。无思远人，劳心忉忉！
无田甫田，维莠桀桀。无思远人，劳心怛怛！
婉兮娵兮，总角丕兮。未 见兮，突而弁兮。

卢 令

卢令令，其人美且仁。
卢重环，其人美且鬋。
卢重鍬，其人美且偲。

敝 筍

敝筍在梁，其鱼魴鰈。齐子归止，其从如云。
敝筍在梁，其鱼魴。齐子归止，其从如雨。
敝筍在梁，其鱼唯唯。齐子归止，其从如水。

载 驱

载驱薄薄，簟茀朱鞞。鲁道有荡，齐子发夕。
四骖济济，垂辔泠泠。鲁道有荡，齐子岂弟。
汶水汤汤，行人彭彭。鲁道有荡，齐子翱翔。
汶水滔滔，行人僮僮。鲁道有荡，齐子游敖。

猗 嗟

猗嗟昌兮，颀而长兮。抑若扬兮，美目扬兮。巧趋跄兮，射则臧兮。
猗嗟名兮，美目清兮，仪既成兮。终日射侯，不出正兮。展我甥兮！
猗嗟娑兮，清扬婉兮。舞则选兮，射则贯兮。四矢反兮，以御乱兮。

风·魏风

葛 屨

纠纠葛屨，可以履霜。掺掺女手，可以缝裳。要之襍之，好人服之。
好人提提，宛然左辟，佩其象揅。维是褊心，是以为刺。

汾沮洳

彼汾沮洳，言采其莫。彼其之子，美无度。美无度，殊异乎公路。
彼汾一方，言采其桑。彼其之子，美如英。美如英，殊异乎公行。
彼汾一曲，言采其 。彼其之子，美如玉。美如玉，殊异乎公族。

园有桃

园有桃，其实之馥。心之忧矣，我歌月谣。不我知者，谓我“士也骄”：
“彼人是哉，子曰何其？”心之忧矣，其谁知之？其谁知之？盖亦勿思。

园有棘，其实之食。心之忧矣，聊以行国。不我知者，谓我“士也罔极”；
“彼人是哉，子曰何其？”心之忧矣，其谁知之？其谁知之？盖亦勿思。

陟 岵

陟彼岵兮，瞻望父兮。父曰：“嗟，予子！行役夙夜无已。上慎旃哉！
犹来无止。”

陟彼屺兮，瞻望母兮。母曰：“嗟，予季！行役夙夜无寐，上慎旃哉！
犹来无弃。”

陟彼冈兮，瞻望兄兮。兄曰：“嗟，予弟！行役夙夜必偕。上慎旃哉！
犹来无死。”

十亩之间

十亩之间兮，桑者闲闲兮，行与子还兮。

十亩之外兮，桑者泄泄兮，行与子逝兮。

伐 檀

坎坎伐檀兮，寘之河之干兮。河水清且涟猗。不稼不穡，胡取禾三百廛兮？
不狩不猎，胡瞻尔庭有县廛兮？彼君子兮，不素食兮！

坎坎伐辐兮，寘之河之侧兮。河水清且直猗。不稼不穡，胡取禾三百亿兮？
不狩不猎，胡瞻尔庭有县特兮？彼君子兮，不素食兮！

坎坎伐轮兮，寘之河之漕兮。河水清且沦猗。不稼不穡，胡取禾三百国兮？
不狩不猎，胡瞻尔庭有县鹑兮？彼君子兮，不素食兮！

硕 鼠

硕鼠硕鼠，无食我黍！三岁贯女，莫我肯顾。逝将去女，适彼乐土。适彼乐土，爰得我所。

硕鼠硕鼠，无食我麦？三岁贯女，莫我肯德。逝将去女，适彼乐国。适彼乐国，爰得我直。

硕鼠硕鼠，无食我苗！三岁贯女，莫我肯劳。逝将去女，适彼乐郊。适彼乐郊，谁之永号？

风·唐风

蟋蟀

蟋蟀在堂，岁聿其莫。今我不乐，日月其除。无已大康，职思其居。好乐无荒，良士瞿瞿。

蟋蟀在堂，岁聿其逝。今我不乐，日月其迈。无已大康，职思其外。好乐无荒，良士蹶蹶。

蟋蟀在堂，役车其休。今我不乐，日月其慆。无已大康，职思其忧。好乐无荒，良士休休！

山有枢

山有枢，隰有榆。子有衣裳，弗曳弗娄。子有车马，弗驰弗驱。宛其死矣，他人是愉。

山有栲，隰有杻。子有廷内，弗洒弗埽。子有钟鼓，弗鼓弗考。宛其死矣，他人是保。

山有漆，隰有栗。子有酒食，何不日鼓瑟？且以喜乐，且以永日。宛其死矣，他人入室。

扬之水

扬之水，白石凿凿。素衣朱襮，从子于沃。既见君子，云何不乐？

扬之水，白石皓皓。素衣朱绣，从子于鹄。既见君子，云何其忧？

扬之水，白石粼粼。我闻有命，不敢以告人。

椒聊

椒聊之实，蕃衍盈升。彼其之子，硕大无朋。椒聊且，远条且。

椒聊之实，蕃衍盈匊。彼其之子，硕大且笃。椒聊且，远条且。

绸缪

绸缪束薪，三星在天。今夕何夕？见此良人。子兮子兮！如此良人何！

绸缪束刍，三星在隅。今夕何夕？见此邂逅。子兮子兮！如此邂逅何！

绸缪束楚，三星在户。今夕何夕？见此粲者。子兮子兮！如此粲者何！

杖杜

有杖之杜，其叶湑湑。独行踽踽。岂无他人？不如我同父。嗟行之人，胡不比焉？人无兄弟，胡不饮焉？

有杖之杜，其叶菁菁。独行裊裊。岂无他人？不如我同姓。嗟行之人，胡不比焉？人无兄弟，胡不饮焉？

羔裘

羔裘豹祛，自我人居居。岂无他人？维子之故。
羔裘豹褰，自我人究究。岂无他人？维子之好。

鸛羽

肃肃鸛羽，集于苞栩。王事靡盬，不能蓺稷黍。父母何怙？悠悠苍天，曷其有所？

肃肃鸛翼，集于苞棘。王事靡盬，不有蓺黍稷。父母何食？悠悠苍天，曷其有极？

肃肃鸛行，集于苞桑。王事靡盬，不能蓺稻粱。父母何尝？悠悠苍天，曷其有常？

无衣

岂曰无衣七兮？不如子之衣，安且吉兮！
岂曰无衣六兮？不如子之衣，安且燠兮！

有杕之杜

有杕之杜，生于道左。彼君子兮，噬肯适我。中心好之，曷饮食之？
有杕之杜，生于道周。彼君子兮，噬肯来游。中心好之，曷饮食之？

葛生

葛生蒙楚，葢蔓于野。予美亡此，谁与？独处。
葛生蒙棘，葢蔓于域。予美亡此，谁与？独息。
角枕粲兮，锦衾烂兮！予美亡此，谁与？独旦。
夏之日，冬之夜。百岁之后，归于其居。
冬之夜，夏之日。百岁之后，归于其室。

采芩

采芩采芩，首阳之巔。人之为言，苟亦无信。舍旃舍旃，苟亦无然。人之为言，胡得焉？

采苦采苦，首阳之下。人之为言，苟亦无与。舍旃舍旃，苟亦无然。人之为言，胡得焉？

采葑采葑，首阳之东。人之为言，苟亦无从。舍旃舍旃，苟亦无然。人之为言，胡得焉？

风·秦风

车 邻

有车邻邻，有马白颠。未见君子，寺人之令。
阪有漆，隰有栗。既见君子，并坐鼓瑟。今者不乐，逝者其耄。
阪有桑，隰有杨。既见君子，并坐鼓簧。今者不乐，逝者其亡！

驷 驖

驷驖孔阜，六辔在手。公之媚子，从公于狩。
奉时辰牡，辰牡孔硕。公曰“左之”，舍拔则获。
游于北园，四马既闲。辔车鸾镳，载猷歇骄。

小 戎

小戎 收，五檠梁辂。游环胁驱，阴靽鋈续。文茵畅毂，驾我骐驎。言念君子，温其如玉。在其板屋，乱我心曲。
四牡孔阜，六辔在手。骐驎是中， 骝是骖。龙盾之合，鋈以觶鞶。言念君子，温其在邑。方何为期？胡然我念之？
驷孔群，公矛鋈鋦。蒙伐有苑，虎 鏖膺。交 二弓，竹闭緄滕。言念君子，载寝载兴。厌厌良人，秩秩德音。

蒹 葭

蒹葭苍苍，白露为霜。所谓伊人，在水一方。溯洄从之，道阻且长。溯游从之，宛在水中央。
蒹葭萋萋，白露未晞。所谓伊人，在水之湄。溯洄从之，道阻且跻。溯游从之，宛在水中坻。
蒹葭采采，白露未已。所谓伊人，在水之涘。溯洄从之，道阻且右。溯游从之，宛在水中沚。

终 南

终南何有？有条有梅。君子至止，锦衣狐裘。颜如渥丹，其君也哉！
终南何有，有纪有堂。君子至止，黻衣绣裳。佩玉将将，寿考不亡。

黄 鸟

交交黄鸟，止于棘。谁从穆公？子车奄息。维此奄息，百夫之特。临其穴，惴惴其慄。彼苍者天！歼我良人。如可赎兮，人百其身。
交交黄鸟，止于桑。谁从穆公？子车仲行。维此仲行，百夫之防。临其穴，惴惴其慄。彼苍者天！歼我良人。如可赎兮，人百其身。
交交黄鸟，止于楚。谁从穆公？子车鍼虎。维此鍼虎，百夫之御。临其

穴，惴惴其慄。彼苍者天！歼我良人。如可赎兮，人百其身。

晨 风

彼晨风，郁彼北林。未见君子，忧心钦钦。如何如何？忘我实多！
山有苞栎，隰有六驳。未见君子，忧心靡乐。如何如何？忘我实多！
山有苑棣，隰有树檉。未见君子，忧心如醉。如何如何？忘我实多！

无 衣

岂曰无衣？与子同袍。王于兴师，修我戈矛，与子同仇。
岂曰无衣？与子同泽。王于兴师，修我矛戟，与子皆作。
岂曰无衣？与子同裳。王于兴师，修我甲兵，与子偕行。

渭 阳

我送舅氏，曰至渭阳。何以赠之？路车乘黄。
我送舅氏，悠悠我思。何以赠之？琼瑰玉佩。

权 舆

于我乎，夏屋渠渠。今也每食无馀。于嗟乎！不承权舆。
于我乎，每食四簋。今也每食不饱。于嗟乎！不承权舆。

风·陈风

宛丘

子之汤兮，宛丘之上兮。洵有情兮！而无望兮！
坎其击鼓，宛丘之下。无冬无夏，值其鹭羽。
坎其击缶，宛丘之道。无冬无夏，值其鹭。

东门之枌

东门之枌，宛丘之栩。子仲之子，婆娑其下。
穀旦于差，南方之原，不绩其麻，市也婆娑。
穀旦于逝，越以鬻迈。视尔如苴，贻我握椒。

衡门

衡门之下，可以栖迟。泌之洋洋，可以乐饥。

岂其食鱼，必河之魴？岂其取妻，必齐之姜？
岂其食鱼，必河之鲤？岂其取妻，必宋之子？

东门之池

东门之池，可以沤麻。彼美淑姬，可与晤歌。
东门之池，可以沤苴。彼美淑姬，可与晤语。
东门之池，可以沤菅。彼美淑姬，可与晤言。

东门之杨

东门之杨，其叶泫泫。昏以为期，明星煌煌。
东门之杨，其叶肺肺。昏以为期，明星哲哲。

墓门

墓门有棘，斧以斯之。夫也不良，国人知之。知而不已，谁昔然矣。
墓门有梅，有鸛萃止。夫也不良，歌以诎止。诎予不顾，颠倒思予。

防有鹄巢

防有鹄巢，邛有旨苕。谁俯予美？心焉忉忉！
中唐有黼，邛有旨鹑。谁俯予美？心焉惕惕！

月出

月出皎兮，佼人僚兮，舒窈纠兮，劳心悄兮！
月出皓兮，佼人 兮，舒懽受兮，劳心慍兮！
月出照兮，佼人燎兮，舒夭绍兮，劳心慄兮！

株 林

胡为乎株林？从夏南。匪适株林，从夏南。
驾我乘马，说于株野。乘我乘驹，朝食于株。

泽 陂

彼泽之陂，有蒲与荷。有美一人，伤如之何！寤寐无为，涕泗滂沱！
彼泽之陂，有蒲与藿。有美一人，硕大且卷。寤寐无为，中心悁悁！
彼泽之陂，有蒲菡萏。有美一人，硕大且俨。寤寐无为，辗转伏枕。

风·桧风

羔裘

羔裘逍遥，狐裘以朝。岂不尔思？劳心忉忉！
羔裘翱翔，狐裘在堂。岂不尔思？我心忧伤！
羔裘如膏，日出有曜。岂不尔思？中心是悼！

素冠

庶见素冠兮，棘人栾栾兮，劳心忉忉兮！
庶见素衣兮，我心伤悲兮，聊与子同归兮。
庶见素兮，我心蕴结兮，聊与子如一兮。

隰有萋楚

隰有萋楚，猗傩其枝。天之沃沃，乐子之无知。

隰有萋楚，猗傩其华。天之沃沃，乐子之无家。
隰有萋楚，猗傩其实。天之沃沃。乐子之无室。

匪风

匪风发兮，匪车偈兮。顾瞻周道，中心怛兮！
匪风飘兮，匪车嘌兮。顾瞻周道，中心吊兮！
谁能亨鱼？溉之釜鬲。谁将西归？怀之好音。

风·曹风

蜉 蝣

蜉蝣之羽，衣裳楚楚。心之忧矣，于我归处。
蜉蝣之翼，采采衣服。心之忧矣，于我归息。
蜉蝣掘阅，麻衣如雪。心之忧矣，于我归说。

候 人

彼候人兮，何戈与祿。彼其之子，三百赤芾。
维鹈在梁，不濡其翼。彼其之子，不称其服。
维鹈在梁，不濡其味。彼其之子，不遂其媿。
荟兮蔚兮，南山朝 。婉兮变兮，委女斯饥。

鸚 鵒

鸚鵒在桑，其子七兮。淑人君子，其仪一兮。其仪一兮，心如结兮。
鸚鵒在桑，其子在梅。淑人君子，其带伊丝。其带伊丝，其弁伊骐。
鸚鵒在桑，其子在棘。淑人君子，其仪不忒。其仪不忒，正是四国。
鸚鵒在桑，其子在榛。淑人君子，正是国人。正是国人，胡不万年！

下 泉

冽彼下泉，浸彼苞稂。忼我寤叹，念彼周京。
冽彼下泉，浸波苞萧。忼我寤叹，念彼京周。
冽彼下泉，浸波苞薺。忼我寤叹，念彼京师。
芄芄黍苗，阴雨膏之。四国有王，郇伯劳之。

风·豳风

七 月

七月流火，九月授衣。一之日鬻发，二之日栗烈。无衣无褐，何以卒岁？三之日于褐，四之日举趾。同我妇子，饁彼南亩，田峻至喜。

七月流火，九月授衣。春日载阳，有鸣仓庚。女执懿筐，遵彼微行，爰求柔桑。春日迟迟，采蘩祁祁。女心伤悲，殆及公子同归。

七月流火，八月萑苇。蚕月条桑，取彼斧斨，以伐远扬，猗彼女桑。七月鸣 ，八月载绩。载玄载黄，我朱孔阳，为公子裳。

四月秀萋，五月鸣蜩。八月其穫，十月陨箨。一之日于貉，取彼狐狸，为公子裘。二之日其同，载缵武功。言私其 ，献豸于公。

五月斯螽动股，六月莎鸡振羽。七月在野，八月在宇，九月在户，十月蟋蟀入我床下。穹窒熏鼠，塞向墐户。嗟我妇子，日为改岁，入此室处。

六月食郁及薁，七月亨葵及菽。八月剥枣，十月穫稻。为此春酒，以介眉寿。七月食瓜，八月断壶。九月叔苴，采荼薪樗，食我农夫。

九月筑场圃，十月纳禾稼：黍稷重穆，禾麻麦菽。嗟我农夫！我稼既同，上人执宫功：昼尔于茅，宵尔索綯；亟其乘屋，其始播百絢穀。

二之日凿冰冲冲，三之日纳于凌阴。四之日其蚤，献羔祭韭。九月肃霜，十月涤场。朋酒斯飨，曰杀羔羊。跻彼公堂，称彼兕觥：“万寿无疆！”

鸛 鸛

鸛鸛鸛鸛：既取我子，无毀我室！恩斯勤斯，鬻子之闵斯！
迨天之未阴雨，彻彼桑土，绸繆牖户。今女下民，或敢侮予。
予手拮据，予所捋荼。予所蓄租，予口卒瘁。曰予未有室家。
予羽谿谿，予尾翛翛。予室翘翘，风雨所漂摇。予维音哓哓！

东 山

我徂东山，惓惓不归。我来自东，零雨其濛。我东曰归，我心西悲。制彼裳衣，勿士行枚，蜎蜎者蠋，烝在桑野。敦彼独宿，亦在车下。

我徂东山，惓惓不归。我来自东，零雨其濛。果臝蠃之实，办施于宇。伊威在室， 蛸在户。町疃鹿场，熠熠宵行。不可畏也，伊可怀也！

我徂东山，惓惓不归。我来自东，零雨其濛。鸛鸣于垤，妇叹于室。洒埽穹窒，我征聿至。有敦瓜苦，烝在栗薪。自我不见，于今三年。

我徂东山，惓惓不归。我来自东，零雨其濛。仓庚于飞，熠熠其羽。之子于归，皇驳其马。亲结其缡，九十其仪。其新孔嘉，其旧如之何？

破 斧

既破我斧，又缺我斨。周公东征，四国是皇，哀我人斯，亦孔之将！
既破我斧，又缺我錡。周公东征，四周是吡。哀我人斯，亦孔之嘉！
既破我斧，又缺我鍬。周公东征，四周是遘。哀我人斯，亦孔之休！

伐 柯

伐柯如何？匪斧不克。取妻如何？匪媒不得。
伐柯伐柯，其则不远。我遘之子，笱豆有践。

九 罍

九罍之鱼，鱄魴。我覯之子，袞衣绣裳。
鸿飞遵渚。公归无所，于女信处。
鸿飞遵陆。公归不复，于女信宿。
是以有袞衣兮，无以我公归兮，无使我心悲兮！

狼 跋

狼跋其胡，载疐其尾。公孙硕肤，赤舄几几。
狼疐其尾，载跋其胡。公孙硕肤，德音不瑕。

